

四庫全書

子部

欽定四庫全書

喻林卷二十一

明 徐元太 撰

人事門

待成

如人之田獵欲從就於鹿當有虞官助已商度形勢可否乃始得鹿若无虞官即虛入于林木之中必不得鹿

周易正

義屯

獵人先遣虞官商度鹿之所在猶若三欲適五先遣人

測度五之情意

周易正義屯

有饑

音蒙

簋

音軌

殽

音孫

有捄

音求

棘七

音小雅

比大東詩

大田過度而無人功終不能獲

毛詩甫田註

白露凝戾為霜然後成事興國家待禮然後興

毛詩蒹葭註

淠淠然涇水中之舟順流而行者乃衆徒船人以楫櫂

之故也

鄭氏箋詩棧樸

設九罍之罍乃後得鱒魴之魚言取物各有器也

鄭氏箋詩

九罍

迴風從上而下力薄不能更升谷風與相遇二風并力  
乃相扶而上以喻朋友二人同心乃相率而成也

毛氏正義

谷風

芄芄然盛者黍之苗也此苗所以得盛者由上天以陰

雨膏澤之故也

毛詩正義下泉

柯者為家之器用禮者治國之所用言欲伐柯以為家用  
當如何乎非斧則不能以興欲取禮以治國者當如  
之何乎非周公則不能言斧能伐柯得柯以為家用喻

周公能行禮得禮以治國

毛詩正義伐柯

君之須臣為輔猶華之須葉以盛

毛詩正義裳裳者華

譬如釀酒須因麴蘖則成酒無麴蘖則酒不成人無禮

則敗壞也

禮記正義禮運

行孝悌之事須禮樂如車行之須人御也

禮記正義禮運

月與星辰陰者也有形無光日照之乃有光

禮記正義月令

鼓之為聲不宮不商故言無當於五聲而宮商等之五

聲不得鼓則無諧和之節清水無色不在五色之限無

主青黃而五色畫績者不得水則不分明

禮記正義學記

所以鼓祝謂之止所以鼓故謂之甄

音真爾雅

骨象須切磋而為器人須學問以成德

爾雅注

且攻玉以石洗金以鹽濯錦以魚浣布以灰夫物固有

以賤理貴以醜化好者矣

後漢書王符列傳

荆山之璞曜元后之寶隋侯之珠燭衆士之好南垠之

金登窈窕之首驪貂之尾綴侍臣之幘此四寶者伏朽

石之下潛汙泥之中而揚光千載之上發彩疇昔之外

亦皆未能初自接於至尊也夫尊者所服卑者所修也貴者所御賤者所先也故厦屋初成而大匠先立其下

嘉禾始熟而農夫先嘗其粒

魏志王粲傳注

譬如屋宇舟車待人而成彼不自成

關尹子二柱

聖賢合則理自彰猶先生而影見

鬼谷子反應注

乘輿之輪大山之木也示諸槩枯三月五月為憐萊蔽

而不反其常君子之槩枯不可不謹也

荀子大略

羿之法非亡也而羿不世中禹之法猶存而夏不世王

故法不能獨立類不能自行得其人則存失其人則亡

荀子君  
道篇

百人抗浮不若一人挈而趨物固有衆而不若少者引  
車者二六而後之事固有相待而成者兩人俱溺不能  
相拯一人處陸則可矣故同不可相治必待異而後成

淮南子  
說山訓

走不以手縛手走不能疾飛不以尾屈尾飛不能遠物  
之用者必待不用者故使止見者乃不見者也使鼓鳴



者乃不鳴者也

淮南子  
說山訓

引弓而射非弦不能發矢弦之為射百分之一也

淮南子  
說

林  
訓

壁瑗成器磬諸之功鑢邪斷割砥礪之力

淮南子  
說林訓

夫地勢水東流人必事焉然後水潦得谷行禾稼春生  
人必加功焉故五穀得遂長聽其自流待其自生則鯀

禹之功不立而后稷之智不用

淮南子  
修務訓

孤牝不駒雞不成雛

焦氏易林  
臨之兌

次八餅累于綺貞賴

太玄經  
第六劇

鼓嗜也五味調和須之而成乃可甘嗜也

釋名

磬諸攻玉之石言物有待賤而貴者也

淮南子說  
山訓解

鼓無當於五音五音非鼓不和師無當於五服五服非

師不親水無當於五采五采非水不章

王充論衡  
定賢篇

諸為人用之物須人用之功力乃立鑿所以入木者槌

叩之也錘所以能掘地者跣蹈之也諸有鋒刃之器所

以能斷斬割削者手能把持之力能推引之也

王充論  
衡効力

干將之刃人不推頓  
苾瓠不能傷篠簳之箭機不能動  
發魯縞不能穿非無干將篠簳之才也無推頓發動之

主苾瓠魯縞不穿傷馬望斬旗穿革之功乎

王充論衡  
效力篇

金不賊木木不成用火不鑠金金不成器故諸物相賊

相利

王充論衡  
物勢篇

火投竈中釜湧氣蒸精怒胃中力盛身熱

王充論衡  
論死論

火熾而釜沸沸止而氣歇以火為主也

王充論衡  
論死論

地有邱洿故有高平或以鏤錡平而夷之為平地矣

王充

論衡須頌篇

龍欲升天須浮雲人之仕進待中人

曹子建當牆欲高行

離卦中虛始于乾象純則健不能柔明故以北方陰氣

貫中柔剛而文明也

京氏易傳註離中

離取中虛氣炎方能照物日與火本陽象也純以陰又

不能乾於物純以陽又暴於物故取陰柔於中始能成

於物也

京氏易傳註離中

雖遠而可以動者得其應也雖險而可以處者得其時也弱而不懼於敵者得所據也憂而不懼於亂者得所附也柔而不憂於斷者得所御也

周易略例明卦

蓋藉衆術之共成長生也大而諭之猶世主治國焉文武禮律無一不可也小而諭之猶工匠之為車馬轅輶

軸轄莫或應虧也

抱朴子內篇微旨

潛靈俟慶雲以騰竦棲鴻階勁風以凌虛素鱗須姬發

而躍白雉待公旦而來

抱朴子外篇廣譬

網無綱紀目不正君無股肱國不治

楊子法言  
註先知篇

良弓非勅檠不張

李善注文  
選魏都賦

豈忘泛舟以相從乎愧無榜人所以不解也

李善注文  
選曹子建

朔風  
詩

層臺雲構所缺過乎榱桷為山霞高不終踰乎一壠

廣文

選劉宜卿後漢  
書註補志序

桀紂是湯武之梯秦項是大漢之階四逆不興則四順

不昇

意林周  
生烈子

夫求物於闇室夜鑒者得之無夜鑒之朗又以火得之得之功同也致功之迹異也不可見目因火鑒便謂火為目神憑著通又謂著為神也由此言之神明之道則大賢之闇室著龜之用豈非顏子之龍燭耶

藝文類聚  
方術部卜

策論

弦鐸相第而矰矢得高焉專諸刺僚王闔廬乃成名焉

太平御覽  
兵部射捍

一人曰吾弓良無所用矢一人曰吾矢善無所用弓羿

聞之曰非弓何以往矢非矢何以中的令合弓矢而教

之射

太平御覽  
兵部弓

孟喜序卦曰陰陽養萬物必訟而成之君臣養萬民亦

訟而成之

困學紀聞  
卷一易

雖復零雨自天終待雲興四岳

何氏語  
林言語

珠不自珠者要假智珠而辨世珠寶不自寶者要假智

寶以明法寶

五燈會元西天  
祖師二十七祖

地水火風假合四大埏土為器託炬火中而得堅固子



身猶器法猶炬火能捍子身成不壞質

虛皇四十九章

譬如因酪因水因鑽因餅因繩因人而得出酥酪不念

言我能出酥乃至人手亦不念言我能出酥酥亦不言

我能自生因緣混合故得出酥

元陽妙經卷二

病為本工為標標本不得邪氣不服

黃帝素問內經湯液醪醴論

如金在冶如帛在機

華陽陶隱居集

羽空鱗水亦須運用而得昇降空行水去

大乘妙林經

猶其无乳酪則不生若無彼乳而有此酪是則酪有不

從乳生

大乘妙  
林經

又如日出方見坑坎高下之處

波羅蜜多經卷  
五百六十七

譬如世間一切草木華果藥等皆依大地

波羅蜜多經  
卷五百七十

三

譬如塋篋不以一事成有木有柱有絃有人揺手鼓之

其音調好自在欲作何等曲

道行波羅  
蜜經卷十

譬如鼓不用一事不用二事成有師有革有桴有人擊

之其聲乃出

道行波羅  
蜜經卷十

譬如畫師有壁有采有工師有筆合會是事乃成畫道

行

波羅蜜  
經卷十

譬如箏篥音聲無所從來去無所至屬衆因緣有絃有槽有棍有人以手鼓之衆緣合則有聲是聲不從絃出槽出棍出手出衆緣合則有聲而無所從來衆緣散則

滅而無所至

小品波羅  
蜜經卷十

若唯地界無水界者譬如有人握乾麩灰終不和合若唯水界無地界者譬如油水其性潤濕無有堅實即便

流散若唯地水無火界者譬如夏月陰處肉團無日光  
照則便爛壞唯地水火無風界者則不增長譬如有人  
及其弟子能善吹糖諸有所作而令其內悉使空虛若  
無風力終不成就如是四大牙相依持而得建立

大寶  
積經

卷五  
十五

如新種子不被風日之所損壞堅實無穴藏舉合宜下  
於良田并有潤澤因緣和合方有芽莖枝葉華果次第

增長

大寶積經  
卷五十六

又如一切種子草木叢林皆依大地而得生長

大寶積經卷一

百一十九

譬如風界能移香氣故知此花香從風吹來而其風界

實不持花香而來亦非無風而花香能來

大寶積經一百九

譬如糞穢散置野田下諸種子以水溉灌人功助成因緣

具足於諸種子花葉果實具足成熟

大集月藏經卷七

譬如羣牛食種種草若生若枯亦飲種種清濁等水及

穀乳時出醇淨乳從彼淨乳出香味酪從香味酪出生

熟蘇從生熟蘇出上醍醐

大集月藏經卷七

譬如犁無有軛則不堪用

大方廣佛華嚴經卷五十九

譬如吹笙師其音調好與歌相入笙者以竹為本有人

攻吹合會是事其聲乃悲

大明度無極經潛十一

譬如無量無邊水鏡依於光故空影得現種種異相

金

明最勝王經卷二

譬如二物相觸出聲

菩薩善戒經卷一

譬如依風生火離彼不生火既生已力能成熟光色明

照而彼火性不從風來

法集經  
卷二

如衣與華和合而有香氣未和合時無香可得

大乘密  
嚴經卷

下

譬如樹木雖有火性以無因緣而不現用

法集經  
欲一

譬如種子因地及時并雨溉灌潤澤調順得好風雨然

後芽生乃至成熟然其種子若在倉中芽尚不生況復

枝葉及華果實

蘇婆呼童  
子經卷中

昔有一國不聞貝聲時有一人善能吹貝往到彼國入

一村中執貝三吹然後置地時村人男女聞聲驚動皆就往問此是何聲哀和清徹乃如是耶彼人指貝曰此物聲也時彼村人以手觸貝曰汝可作聲貝都不鳴其主即取貝三吹置地時村人言向者美聲非是貝力有手有口有氣吹之然後乃鳴

長阿含經卷七

如車有輪車行無休息

佛般泥洹經卷上

那先語王言譬如箜篌無絃無柱無人鼓者寧能作聲不王言不能自作聲那先言如使箜篌有絃有柱有人



工鼓者其聲寧出不王言有聲那先言如是天下無自

然生物皆當有所因

那先比丘  
經卷中

譬如窰家作器取土水和以為泥燒作雜器物其泥不  
能自成為器會當須人工有薪火乃成為器耳世間無

有自然生者也

那先比丘  
經卷中

今王所坐殿有人功夫作之耶自然生乎王言人功作

之材椽出於樹木垣牆泥土出於地

那先比丘  
經卷中

那先問王如鑽火燧無兩木無人鑽者寧能得火不王

言不能得火那先言設有兩木有人鑽之寧能生火不  
王言然即生火那先言天下無有自然生物皆當有所

因

那先比丘  
經卷中

然以三事因緣觸乃得生猶如鑽火人功燧鑽三事和  
合得出於火我亦如有眼識緣三事和合而得生觸

無明羅

剎經

譬如虛空不能生樹有地水因緣而能生樹若無愛水

何由而得生於有樹

無明羅  
剎經

亦如因樹有蔭因日有光因燈有焰皆從緣起

達摩多羅禪經

下榮

譬如車轅輻軸輞等和合故有無別車也人亦如是五

衆和合故有無別人也

大智度論卷一

譬如人雖有目日不出時不能有所見要須日明得有

所見不得言我有眼何用日為

大智度論卷四

譬如善御駕駟不失平道馬雖有致車之力若無御者

則不能有所至

大智度論卷八

譬如美食少鹽則無味得鹽則味足如意

大智度論  
卷十九

譬如大軍無健將不能成辦其事又如人身餘根雖具

若無眼者不能有所至

大智度論  
卷二十九

如車以輻輳轅轂衆合為車若離散各在一處則失車

名

大智度論  
三十一

譬如穀種在地無雨則不生不可以地能生穀故言雨

無恩

大智度論  
卷四十九

又如地先雖有穀子無雨則不生

大智度論  
卷五十五

譬如小兒服藥須蜜乃下

大智度論  
卷十七

譬如雖有好藥亦須良醫

大智度論  
卷九十六

復有箜篌譬喻有槽有頸有皮有絃有棍有人以手鼓

之衆緣和合而有聲如聲亦不在衆緣中離衆緣亦無

聲以因緣和合故有聲可聞

大智度論  
卷九十九

如水寒風未至未成為冰則無堅用若成凍冰能有所

蹈

大智度論  
卷一百

如泥團輪繩陶師等和合故有瓶生又如縷縫機杼織

師等和合故有甃生又如治地築基梁椽泥草人功等和合故有舍生又如酪酪鑽器鑽搖人功等和合故有酥生又如種子地水火風虛空時節人功等和合故有

芽生

十二門論  
字六

如陶師雖能作瓶離泥不能作

百論卷  
上字八

又松柏等多樹合故名為林非獨松為林亦不離松為

林

百論卷  
上字八

如地水等能生穀芽若無人功以穀子安置地中芽終

不得生

隨相論  
卷上

譬如外種三事和合生有種堅實溉之以水覆以草土  
自性衆具力故芽葉得生有種雖堅實不以水溉不草  
土覆衆緣不具故芽葉不生有種不實雖溉以水覆以  
草土自性不實故芽葉不生

雜阿毗曇  
心論卷一

夫衆心稟聖以成識其猶衆目會日以為見

弘明集  
明佛論

譬如有人至於寶山若無信手空無所獲

法苑珠林  
卷七十九

空中得為宮室不可用空為宮室要用材木然後得成

如是菩薩雖解於空不可但以空而得要以三因成其

國也

羅什譯維摩詰經佛國品

藉勢

夫權藉者萬物之率也而時勢者百事之長也故無權藉倍時勢而能事成者寡矣今雖干將莫邪非得人力

則不能割剗矣堅箭利金不得弦機之利則不能遠殺

矣矢非不銛而劍非不利也何則權藉不在焉

戰國策齊閔王

君不聞大魚乎網不能止鉤不能牽蕩而失水則螻蟻



得意焉

戰國策  
齊閔王

雞惡為人所用故自斷其尾人之美則宜君人事宗廟

也人自作犧則能治人

國語解周下  
賓孟適郊

要之魚不可脫於淵神龍失勢即還與蚯蚓同

後漢書  
隗囂傳

函車之獸離山必斃絕波之鱗宕流則枯

宋書袁  
淑傳

今夫幽夜山陵之大而離婁不見清朝日艸則上別飛

鳥下察秋毫故目之見也託日之勢也

尚子  
禁使

造父者天下之善御者也無輿馬則無所見其能羿者

天下之善射者也無弓矢則無所見其巧大儒者善調  
一天下者也無百里之地則無所見其功輿固馬選矣  
而不能以至遠一日而千里則非造父也弓調矢直矣  
而不能以射遠中微則非羿也用百里之地而不能以  
調一天下制強暴則非大儒也

荀子  
儒效

立尺材於高山之上而下臨千仞之谿材非長也位高  
也桀為天子能制天下非賢也勢重也堯為匹夫不能  
正三家非不肖也位卑也千鈞得船則浮鎔銖失船則

沈非千鈞輕銖銖重也有勢之與無勢也故短之臨高

也以位不肖之制賢也以勢

韓非子  
功名

夫弩弱而矢高者激於風也身不肖而令行者得助於衆也堯教於隸屬而民不聽至於南面而王天下令則行禁則止由此觀之賢智未足以服衆而勢位足以任

賢者也

韓非子  
難勢

今使臧獲奉君令詔卿相莫敢不聽非卿相卑而臧獲尊也主令所加莫敢不從也今使管仲之治不緣桓公

是無君也國無君不可以為治若負桓公之威下桓公之令是臧獲之所以信也奚待高國仲父之尊而後行

哉

韓非子  
難一

飛龍乘雲騰蛇遊霧雲罷霧霽而龍蛇與蟪蛄同矣則失其所乘也故賢人而詘於不肖者則權輕位卑也不肖而能服於賢者則權重位尊也堯為匹夫不能治二人而桀為天子能亂天下吾以此知勢位之足恃而賢智之不足慕也

韓非子  
難勢

夫馬之所以能任重引車致遠道者以筋力也萬乘之  
主千乘之君所以制天下而征諸侯者以其威勢也威  
勢者人主之筋力也

韓非子  
人主

虎豹之所以能勝人執百獸者以其爪牙也向使虎豹  
失其爪牙則人必制之矣今勢重者人主之爪牙也

韓非

子人  
主

順風而呼聲不加疾也際高而望目不加明也所因便

也

呂氏春  
秋訓說

以萬乘令乎千乘易以千乘令乎一家易以一家令乎

一人易嘗試反此雖堯舜不能

呂氏春秋慎勢

王者之封建也彌近彌大彌遠彌小海上有十里之諸侯以大使小以重使輕以衆使寡此王者之所以家以完也故曰以滕費則勞以鄒魯則逸以宋鄭則猶倍日而馳也以齊楚則舉而加綱旃而已矣所用彌大所欲彌易湯其無郭武其無岐賢雖十全不能成功

呂氏春秋慎勢

不在其位者則無以齊其政不操其柄者則無以制其

剛

陸子  
辨惑

烏號之弓谿子之弩不能無弦而射越舠蜀艇不能無

水而浮

淮南子  
倣真訓

假輿馬者足不勞而致千里乘舟楫者不能遊而絕江

海

淮南子  
主術訓

夫民之好善樂正不得禁誅而自中法度者萬無一也  
下必行之令從之者利逆之者凶日陰未移而海內莫  
不被繩矣故握劍鋒以離北宮子司馬蒯蕢不使應敵

操其觚招其末則庸人能以制勝今使烏獲藉蕃從後牽牛尾尾絕而不從者逆也若指之桑條以貫其鼻則五尺之童牽而周四海者順也夫七尺之橈而制船之左右者以水為資天子發號令行禁止以衆為勢也夫防民之所害開民之所利威行也若發域決塘故循流而下易以至背風而馳易以遠

淮南子  
主術訓

楚文王好服解冠楚國效之趙武靈王貝帶鷄鶡而朝趙國化之使在匹夫布衣雖冠解冠帶貝帶鷄鶡而朝



則不免為人笑也

淮南子  
主術訓

人不見龍之飛舉而能高者風雨奉之

淮南子  
說林訓

雖有國士之力不能自舉其身非無力也勢不便也

韓詩

外傳

物豐者民衍宅近市者家富富在術數不在勞身利在

勢不在力耕也

鹽鐵論  
通有

無鞭策雖造父不能調駟馬無勢位雖舜禹不能治萬

民孔子曰鳳鳥不至河不出圖吾已矣夫故軺車良馬

無以馳之聖德仁義無所施之

鹽鐵論  
刺復

夫乘爵祿以謙讓者名不可勝舉也因權勢以求利者

入不可勝數也

鹽鐵論  
貧富

順風而呼聲不加疾而聞者衆登丘而招臂不加長而

見者遠故魚乘於水鳥乘於風草乘於時

說苑  
建本

蛟龍雖神不能以白日去其倫飄風雖疾不能以陰雨

揚其塵

說苑  
談叢

乘輿馬不勞致千里乘船楫不游絕江海

說苑  
談叢

龍生于淵因風昇天

焦氏易林  
恒之比

或問仲尼大聖則天曷不胙曰無土然則舜禹有土乎

曰舜以堯作土禹以舜作土

揚子重  
黎篇

次三卉炎于狩宜于丘陵測曰卉炎丘陵短臨長也

太玄

經第  
一狩

君子乘位為車為馬車輪馬駢

音介

可以周天下

太玄經  
太玄文

今以韓國之勢乘而舉之若飄雲之遇風奔流之赴壑

孰能禦之哉

天祿閣外  
史妖孽

駕乘龍雲必假疾風之力使奔屬於後也

王逸註楚辭離騷經

言倕不以斤斲則曲木不治誰知其工巧者乎以言君

子不居爵位衆亦莫知其賢能也

王逸注楚辭九章

鵲食蝟皮博勞食蛇蝟蛇不便也蚊虻之力不如牛馬

牛馬困於蚊虻蚊虻乃有勢也鹿之角足以觸犬獼猴

之手足以搏鼠然而鹿制於犬獼猴服於鼠角爪不利

也故十年之牛為牧豎所驅長仞之象為越僮所鉤無

便故也故夫得其便也則以小能勝大無其便也則以

彊服於羸也

王充論衡  
物勢篇

丘山易以起高淵洿易以為深起於微賤無所因階者

難襲爵乘位尊祖統業者易

王充論衡  
恢國篇

辯言必有所屈通文猶有所黜言金由貴家起文糞自

賤室出

王充論衡  
自紀篇

譬由無田而欲樹藝也雖有良農安所措其彊力乎

徐幹

中論  
民數

位也者立德之機也勢也者行義之杼也聖人蹈機握

杼織成天地之化使萬物順焉人倫正焉六合之內各  
竟其願其為大寶不亦宜乎故聖人以無勢位為窮百

工以無器用為困困則其資亡窮則其道廢

徐幹中  
論爵祿

甄陶以盛酒雖美不見酣身卑而言高雖是不見信

抱朴

子外篇  
重言

嶧陽孤桐不能無絃而激哀響大夏孤竹不能莫吹而  
吐清聲是以官卑者稷卨不能康庶績權薄者伊周不

能臻升平

抱朴子外  
篇博喻

所適彌遠則聚糧彌多故其翼彌大則積氣彌厚也

郭子

注莊逍遙遊

因土以行化湯文也因聖以登禪舜禹也上無舜禹之時下無湯文之土故不胥耳若秦楚之胥非所以為胥

也

揚子法言注重黎篇

星雖皓皓有華藻然非能自顯耀也要須著天而後天

下見之

揚子法言注淵騫篇

夫特達而相知者千載之一遇也招賢而處友者衆士

之常路也是以空柯無刃公輸不能以斲但懸曼矰蒲

苴不能以射

文選王褒四子講德論

憑颯薦響唱微效長垂波鑒景功少致深

補文選鮑昭凌煙樓銘

日在井中不能燭十步目在足下不可以視遠雖明何

益

意林尸子

鴻毛一羽在水而沒者無勢也黃金萬鈞在舟而浮者

託舟之勢也

意林物理論

龍無尺木無以升天聖人無尺土無以王天下

意林新論



一日千里因騏驥之馳高陰百尺藉雲霞之遠

藝文類聚封爵

部選讓封表

立而託乘乃成致遠之功坐以運舟遂有利涉之用

藝文

類聚職官部尚書令表

搏風扇翮不覺高升擊水揚鬐遂迷遠大

藝文類聚職官部侍中表

搏飛九萬實假扶搖之力中天百尺無俟剗剗之勞

藝文

類聚職官部大司馬章

今夫飛蓬飄風而行千里乘風之勢也

藝文類聚草部蓬

舜之方陶不能利其巷也及南面而君天下蠻夷皆被

其福

太平御覽  
居處部巷

猴猿失木禽於狐貉者非其處也

爾雅  
翼貉

依天宅照藉海憑瀾

初學記帝  
戚部王

孫榮獲大夫茲乃出教曰龍欲騰翥先階尺水且今署

茲為門下督須軍還當更議

初學記鱗  
介部龍

金鐵蒙以大縹載六驥之上則致千里

田學紀聞  
十卷諸子

願乘長風破萬里浪

何氏語  
林言志

貴非自貴由乎賤者所崇高非自高緣於下者所載道德

經註疏

卷四

譬如王使遠適他國執持符印經途來往關防主司莫

能為礙何以故以王印力人無遮止

大寶積經二十

譬如乘船欲入大海未至於海多用功力若至海已但

隨風去不假人力

大方廣佛華嚴經三十八

如行者不失符檄則在所欲至無有障礙

十住毘婆沙論卷十一

猶如飛鳥羽翮隨身

長阿含經卷十三

如刀斫竹得風即偃

三昧法門  
經卷下

譬口氣出聲聲則不遠聲入角中聲則能遠

大智度論  
卷十九

譬如火得風助其然乃熾

大智度論  
卷三十

如鳥無兩翼不能高翔如健人無諸器仗而入敵陣

大智

度論卷  
三十七


譬如軍將得幢表其大相

大智度論  
卷四十七

如欲除乾薪草木以火投中則火力能燒令盡人便無

事

大智度論  
卷七十一



欽定四庫全書

子部

喻林卷二十三

詳校官中書臣朱文翰

主事臣祁韻士覆勘

總校官原任中允臣王燕緒

校對官中書臣李斯咏

謄錄監生臣蕭準

欽定四庫全書

喻林卷二十二

明 徐元太 撰

人事門二十

審勢

九四或躍在淵无咎

易乾

若夫疾病尚輕有可生之道則醫之治也用心銳扁鵲之療太子知其必可生也疾病已重有將死之勢則醫之治也用心緩秦和之視平公知其不可為也

毛詩正義關雎

如川之滿不可游也鄭方有罪不可救也

左傳哀公九年

似樹木知其根本之弱不能生長枝葉以喻所立之人材力劣弱不能保有邦國蕃育子孫則不須自強立之

春秋正義  
莊公六年

鄭玄云斬而復生曰肆祀是夏後滅而復存猶木之枿

生小栽也

春秋正義襄公二十九年

萬室之國一人陶則可乎曰不可器不足用也

孟子告子下

馬服君曰夫吳干之劍肉試則斷牛馬金試則截盤匱



薄之柱上而擊之則折為三質之石上而擊之則碎為  
百今以三萬之衆而應強國之兵是薄柱擊石之謂也  
且夫吳干之劍材難夫無脊之厚而鋒不入無脾之薄  
而刃不斷兼有是兩者無鈎竿鐔蒙須之便操其刃而  
刺則未入而手斷君無十餘二十萬之衆而為此鈎竿  
鐔蒙須之便而徒以三萬行於天下君焉能乎

戰國策  
趙惠文

王

今謂馬多力則有矣若曰勝千鈞則不然者何也夫千

釣非馬之任也今謂楚強大則有矣若越趙魏而鬪兵

於燕則豈楚之任也哉

戰國策楚  
考烈王

諸侯之不可一猶連雞之不能俱止於棲亦明矣

戰國  
策秦

惠文  
君

搏牛之蝱不可以破蟣蝨

史記項  
羽紀

猶饑者甘糟糠穰歲餘梁肉何則有亡之勢異也

前漢  
書循

吏  
傳

猛虎處深山百獸震恐及其在穿檻之中搖尾而求食

積威約之漸也

前漢書司馬遷傳

獨不見夫翠虬降螭之將登虛天必聳身於蒼梧之淵  
不階浮雲翼疾風虛舉而上升則不能檝膠葛騰九閼  
日月之經不千里則不能燭六合耀八紘太山之高不  
嵯嶢則不能浮瀟雲而散歎烝

前漢書楊雄傳下

統之方軌易因險塗難御

後漢書鄧張烈傳論

九河盈溢非一出所防帶甲百萬非一勇所抗

後漢書蔡邕列

傳

今之事勢義無旋踵騎猛獸安可中下哉

晉書溫嶠傳

今猶乘龍上天豈可中下

晉書呂光記

天下重器也一安不可卒危一危亦不可卒安

宋書王僧達傳

譬諸蛟龍安可借以雲雨

北齊書慕容紹宗傳

噉羹者熱則置之天子之威欲相挫邪

北史趙綽傳

武侯問曰若敵衆我寡為之奈何起對曰避之於易邀之於阨故曰以一擊十莫善於阨以十擊百莫善於險以千擊萬莫善於阻今有少卒卒起擊金鳴鼓於阨路

雖有大衆莫不驚動故曰用衆者務易用少者務隘

吳子

應變

今能同算均而彼富我貧能不怨則美矣雖怨無所非也才鈞智同而彼貴我賤能不怨則美矣雖怨無所非也其敝在於不知乘權藉勢之異而雖曰智能之同是

不達之過

尹文子大道下

王獨不見夫騰猿乎其得柁梓豫章也攬蔓其枝而王長其間雖羿逢蒙不能眇睨也及其得柘棘枳枸之間

也危行側視振動悼慄此筋骨非有加急而不柔也處勢不便未足以逞其能也今處昏上亂相之間而欲無

憊奚可得邪

莊子  
山木

其勢難匿者雖妬不爲非焉故先王貴勢

商子  
禁使

辨說之道其猶張弓高者抑之下者舉之故羸微為仇

從而解之强者為却從而闕之也

鬼谷子本  
經陰符

權之所以知其輕重量之所以知其長短輕重既分長

短既形乃施隱括以輔其曲直

鬼谷子  
飛箝註

堂上不糞則郊草不瞻曠芸白刃捍乎胃則目不見流  
矢拔戟加乎首則十指不辭斷非不以此為務也疾養  
緩急之有相先者也

養與瘠同  
荀子彊國

夫貪盜不赴谿而掇金赴谿而掇金則身不全賁育不  
量敵則無勇名盜跖不計可則利不成

韓非子  
守道

長袖善舞多錢善賈此言多資之易為工也故治強易  
為謀弱亂難為計故用於秦者十變而謀希失用於燕  
者一變而計希得非用於秦者必智用於燕者必愚也

蓋治亂之資異也

韓非子  
五蠹

今以木擊木則拌以水投水則散以冰投冰則沉以塗

投塗則陷此疾除先後之勢也

呂氏春秋  
論威

吞舟之魚陸處則不勝螻蟻權鈞則不能相使勢等則不能相併治亂齊則不能相正故小大輕重少多治亂不可不察此禍福之門也

呂氏春秋  
慎勢

夫鷗目大而眇不若鼠蚘足衆而走不若蛇物固有大不若小衆不若少者及至夫彊之弱弱之彊危之安存



之亡也非聖人孰能觀之

淮南子  
汜論訓

王子慶忌足躡麋鹿手搏兕虎置之冥室之中不能搏

龜鼈勢不便也

淮南子  
說林訓

今有六尺之席卧而越之下材弗難植而踰之上材弗

易勢施異也

淮南子  
說林訓

孟賁探鼠穴鼠無時死必噬其指失其勢

淮南子  
說林訓

皮將弗覩毛將何顧

淮南子  
說林訓

昌羊去蚤蝨而人弗痒者為其來蛉窮也狸執鼠而不

可脫於庭者為搏難也故事有利於小而害於大得於此而忘於彼者故行碁者或食兩而路窮或予蹄而取

勝

淮南子  
秦族訓

吞舟之魚蕩而失水制於螻蟻者離其居也猿猴失木

禽於狐貉者非其處也騰蛇遊霧而升騰龍乘雲而舉

猿得木而挺魚得水而驚處地宜也

說苑  
談叢

麋鹿成羣虎豹避之飛鳥成列鷹鷂不擊衆人成聚聖

人不犯

說苑  
雜言

子獨不見夫玄猿乎當其居桂林之中峻葉之上從容  
游戲超騰往來龍興而鳥集悲嘯長吟當此之時雖羿  
逢蒙不得正目而視也及其在枳棘之中也恐懼而掉  
慄危視而蹟行衆人皆得意焉此皮筋非加急而體益  
短也處勢不便故也夫處勢不便豈可以量功校能哉

新序雜  
事五

夫衝風之哀也不能起毛羽強弩之末力不能入魯縞  
盛之有衰也猶朝之必暮也

新序善  
謀十

天災所遊凶不可居轉徙獲福留止憂危

焦氏易林大有之艮

陰淫不止白馬為海澤臯之子就高而處

焦氏易林臨之節

鼎易其耳熱不可舉

焦氏易林觀之中孚

懷璧越鄉不可遠行

焦氏易林賁之巽

千雀萬鳩與鷦為仇威勢不敵雖衆無益

焦氏易林无妄之明夷

東山西陵高峻難升

焦氏易林大畜之噬嗑

利在北陸寒苦難得

焦氏易林大過之震

上九斧刃缺其柯折可以止不可以伐徃血測曰刃缺

柯折將不足往也

太玄經  
第三衆

夫富貴則人爭歸之貧賤則人爭去之此物之必至而理之固然也願君勿怨請以市論朝而盈焉夕而虛焉非朝愛之而夕憎之也求在故往亡故去

風俗通  
窮論

角智者皆窮角力者皆負形不堪復伉執不足復校乃始羈首係頸就我之銜繼耳

昌言理  
亂篇

使三軍持木杖匹夫持一刃伸力角氣匹夫必死金性勝木然而木勝金負者木多而金寡也積金如山燃一

炭火以燔爍之金必不消非失五行之道金多火少小

大不鈞也

王充論衡  
調時篇

兒之始生也手足俱成手不能搏足不能蹶者氣適凝

成未能堅彊也

王充論衡  
論死篇

水能勝火豈一升之水灌一林之火哉柴也愚何嘗自

投於井

徐幹中  
論智行

辟險尚遠趣時貴近比復好先乾壯惡首明夷務闇豐

尚光大

周易畧  
例明卦

若乃高巖將實非細縷所綴龍門沸騰非掬壤所遏則

不苟且於乾沒不投險於僥倖矣

抱朴子外  
篇良規

如騏驥之伏於鹽車玄猿之束於籠圈非無千里之駛

萬仞之捷然而不異羸鈍者無所肆其巧也

劉子  
通塞

庶人因沃瘠而勞逸殊王者亦因險易而強弱異也

李  
善

註文選  
西京賦

夫伐深根者難為功摧枯朽者易為力理勢然也

文選  
曹同

六代  
論

然一旅之衆不足以揚名步武之間不足以騁跡若不  
改轍易御將何以效其力哉今處此而求大功猶絆良  
驥之足而責以千里之任檻猿猴之勢而望其巧捷之

能也

文選吳質答  
東阿王書

陸田者命懸於天人力雖修水旱不時則一年之功棄  
矣水田制之由人人力苟修則地利可盡

意林物  
理論

纏牽以長望千里而成累空輪易騁觸三尺而不登苟

曰違方難用適遠

藝文類聚職  
官部大尉表



勢之所歸威之所假必能繫風捕影暴虎憑河是以輕

則鴻毛沉水重則磐石陵波

文苑英華  
庚信連珠

魯連先生見孟嘗君於店堂之門孟嘗君曰吾聞先生  
有勢數可得聞乎連曰勢數者譬若門關舉之以便則  
可以一指持中而舉之非便則兩手不舉關非益加重手  
非加罷也彼所起者非舉勢也彼可舉然後舉之所謂  
勢數

太平御覽  
居虎部關

堯入百仞之谿則不照三里非明闇位卑勢下故也桀

紂昇百丈之陵能見四海非照明位高勢尊故也

太平御覽

陵地部

見未能高飛者借其羽毛知逸勢冲天者剪其翅翮

何氏

語林  
言語

欲療病先察其源先候病機五臟未虛六腑未竭血脉未亂精神未散服藥必活若病已成可得半愈病勢已

過命將難全

本草一卷

黃帝問曰醫之治病也一病而治各不同皆愈何也岐

伯對曰地勢使然也故東方之域天地之所始生也其病皆為癰瘍其治宜砭石故砭石者亦從東方來西方者金玉之域沙石之處天地之所收引也其病生於內其治宜毒藥故毒藥者亦從西方來北方者天地所閉藏之域也藏寒生滿病其治宜灸熇故灸熇者亦從北方來南方者天地所長養陽之所盛處也其病攣痺其治宜微鍼故九鍼者亦從南方來中央者其地平以濕天地所以生萬物也衆其病多痿厥寒熱其治宜導引

按躄故導引按躄者亦從中央出也故聖人雜合以治

各得其所宜

黃帝素問內經  
異法方宜論

帝曰痺其時有死者或疼久者或易已者其故何也岐

伯曰其入藏者死其留連筋骨間者疼久其留皮膚間

者易已

黃帝素問  
內經痺論

拘於鬼神者不可與言至德惡於鍼石者不可與言至

巧病不許治者病必不治治之無功矣

黃帝素問內  
經五藏別論

凡治病察其形氣色澤脉之盛衰病之新故乃治之無

後其時形氣相得謂之可治色澤以浮謂之易已脉從四時謂之可治脉弱以滑是有胃氣命曰易治取之以

時

黃帝素問內經  
玉機真藏論

今夫五藏之有疾也譬猶刺也猶汚也猶結也猶閑也  
刺雖久猶可拔也汚雖久猶可雪也結雖久猶可解也  
閑雖久猶可決也或言久疾之不可取者非其說也夫  
善用鍼者取其疾也猶拔刺也猶雪汚也猶解結也猶  
決閑也疾雖久猶可畢也言不可治者未得其術也

黃帝

素問靈樞經

九鍼十二原

病九日者三刺而已病一月者十刺而已多少遠近以

此衷之

黃帝素問靈樞經  
壽夭剛柔

形先病而未入藏者刺之半其日藏先病而形乃應者

刺之倍其日

黃帝素問靈樞經  
壽夭剛柔

譬如有人欲見大海稍稍前行若見樹若樹相若見山若山相當知是中去海尚遠若不見樹無樹相不見山無山相當知大海去是不遠大海深故無有山樹是人

雖不見海知必近之

小品波羅蜜經卷四

譬如二人欲過猛火其一人者着金剛鎧即能過之其一人者身被乾草為火所焚何以故草則易燒金則堅

故

大方等大集經卷十一

譬如金鎚安置火中善作鑪豪融銷鍊治熾然毒熱又如鐵丸新從火出炎赫熾然有智之人不應執觸何以

故鐵流金熾觸則燒然故

大集賢護經卷三

譬如醫師知風痰熱等發起所由亦知有藥對治此病

有人與健身無疾病如此之人須師治不

文殊師利問經卷下

如人病重不可療治醫即捨去不與少藥

文殊師利問經卷下

若有大聚如須彌山無有所依為當增長為當漸滅迦

葉白言是火當滅更不增長

大方廣如來秘密藏經卷下

如水中畫即滅地畫近時若風雨足踐爾乃滅畫石石

住石滅

四阿含暮抄解藉六

譬如繩繫鳥脚初雖得去繩盡攝還若當繩斷鳥便永

去

禪法要解經卷下 禁十



又如草木薪火燒烟出炭灰不盡火力薄故

大智度論卷二

斷食死無疑食者死未定

大智度論卷三

譬如渡師一人以浮囊草棧渡之一人以方舟而渡二

渡之中相降懸殊

大智度論卷六

譬如燒金丸雖眼見其好不可以手觸燒人手故

大智度論

卷十

如須彌山王小風則不能動若隨藍風至則大動散

大智

度論  
卷十

譬如火不能燒大林火勢增益能燒一切

大智度論卷十五

如火燒金銀煮沸熱蜜雖有色味燒身爛口急應捨之

大智度論

卷十七

譬如洋金燒身若欲除之不得但欲棄火而留金要當

金火俱棄

大智度論卷十七

譬如藥師欲試毒藥先以與雞雞即時死然後自服乃

知藥之威力為大

大智度論卷二十二

如火焚薪已灰炭猶在火力薄故不能令盡若劫盡時

火燒三千大千世界無復遺餘火力大故

大智度論卷二十七

如大河水投一合鹽則失鹽相不名為鹹

大智度論三十

又如絕健之人少衆力寡不能制之大軍攻之則伏

大智

度論三

十五

譬如深根大樹不可以一斫能辦多用斧力乃斷

大智度論

卷五

十三

譬如大逆重罪應死之人雖有強力財寶不可得免有人罪雖入死料理在可救用力勢財物便得濟命不救

則死

大智度論  
卷五十七

譬如鳥子羽翼未成不可逼令高翔六翮成就則能遠

飛

大智度論  
卷六十一

如合衆縷以為繩不知者謂繩有力又如牆崩殺人言

牆有力若各各分散則無有力

大智度論  
卷六十二

如寶藏閉門雖有好物而不能得若開其門則隨意所

取

大智度論  
卷六十五

譬如熱金丸雖是寶物捉則燒手

大智度論  
卷九十二

舜耕歷山恩不及州里太公屠牛惠不逮妻子及其見  
用恩流八荒惠施四海饒財多貨貴其能與貧困屢空

貴其履道

弘明集年  
子埋惑論

譬猶吏人解印脫冠而橫道肆暴五尺之童皆能制之

矣

弘明集  
正誣論

疾重則親降醫王患輕則寄方遙授偏師以翦梟獍重

將而戮鯨鯢此亦釋門和扁之術法王孫吳之勢也

正辨

論卷  
六

勢阻

智出乎身理無或困聲係於物才有必窮故陵波之羽

不能淨浪盈岫之木無以輟風

南齊書  
劉祥傳

聽絕於聰非疾響所握神閉於明非盈光所燭故破山

之雷不發聲夫之耳朗夜之輝不開矇叟之目

南齊書  
劉祥傳

椎固有柄而不能自啄目見百步之外而不能見其背

文子  
上德

夫目之明能見於百步之外而顧不見其背也惟牆之

後則無睹也

子華子  
大道

耳者可以聽調聲而不能為調聲目者可以視異形而

不能為異形口者可以道神明而不能為神明

鵲冠子  
天權

萬賤之直不能撓一貴之曲

鵲冠子  
近迭

夫南行者至於郢北面而不見冥山是何也則去之遠

也

莊子  
天運

雖有賢良辯慧不能開一言以枉法雖有千金不能以

用一銖

商子  
定分

中行繆伯手搏虎而不能生也蓋力優而克不能及也

淮南子  
繆稱訓

扶桑受謝日照宇宙焰焰之光輝燭四海闔戶塞牖則

無由入矣

淮南子  
道應訓

夾河為婚水漲無船

焦氏易林  
臨之小過

牽羊不前與心戾旋

焦氏易林  
渙之中孚

或問聖人之作事不能昭若日月乎何後世之訾訾也

曰瞽曠能默瞽曠不能齊不齊之耳狄牙能喊狄牙不



能齊不齊之口

揚子問神

鳥有毛羽能飛不能升天

王充論衡道虛篇

天養物能使物暢至秋不得延之至春吞藥養性能令

人無病不能壽之為仙

王充論衡道虛篇

可得筮者小而可得量者少也器至大筮弗能數至多

升斛弗能

王充論衡定賢篇

天地之性能更生火不能使滅火復燃能更生人不能

令死人復見

王充論衡論死篇

苞瓜之汁猶人之血也其肌猶肉也試令人損益苞瓜之汁令其形如故耐為之乎人不耐損益苞瓜之汁天

安耐增減人之年

王充論衡  
無形篇

蓋盛陽不能榮枯朽之木神明不能變沉溺之性子貢不能悅係馬之野人古公不能釋欲地之戎狄實理有所不通善言有所不行章甫不售於蠻越赤舄不用於

跣夷何可強哉

抱朴子內  
篇塞難

良匠能與人規矩不能使人必巧也明師能授人方書

不能使人必為也

抱朴子內篇極言

夫聖人知凶醜之自然下愚之難移猶春陽之不能榮

枯朽炎景之不能鑠金石

抱朴子外篇詰鮑

朱綠之藻不秀於枯柯傾山之流不發乎涸源熠耀之

宵焰不能使萬品程形志盡勢利不能使芳風邈世

抱朴

子外篇廣譬

造遠者莫能兼通於岐路有為者莫能並舉於耕學

抱朴

子外篇守壻

使駿馬馳驚於屈曲艱阻之中則與驢騾齊足

前漢書  
註揚雄

傳

人之行投趾在乎容跡之地近不踐而獲安若以足外

為無用欲闕之及泉雖則捷若猴猿亦不能履也

李善  
註文

選秋  
興賦

傾耳求音眊優聽苦澄心徇物形逸神勞是以天殊其  
數雖同方不能分其感理塞其通則並質不能共其休

文選陸機  
演連珠

理之所開力所常達數之所塞威有必窮是以烈火流

金不能焚景沈寒凝海不能結風

文選陸機  
演連珠

慈父能食子不能使知味聖人能悅人不能使人必悅

意林子

思子

朝露之蒲土女不能治淄澠之沙計鬼不能數

太平御覽地部

沙

水生石未有居山而溺者火生木未有抱樹而焦者

太平

御覽地  
部石上

子曰沐令人愛卯日沐令人白頭案人之愛憎頭之白

黑在乎自然但使嫫母子曰沐浴能令人愛耶使十五

童子卯日沐能令髮白耶

太平御覽  
人事部沐

刻削之道鼻莫如大目莫如小鼻大可小小不可大目

小可大大不可小舉事亦然

太平御覽  
人事部目

諺曰魯班雖巧不能為乞丐者顏

太平御覽人  
事部諺下

譬猛虎浮水不如鳧鴨麒麟登木不如猿猴

太平御覽  
羽族部鴨

補天立地之聖不能止日充西落疏山莫川之力不能

停河水東流

初學記禮部饗謙註

升離戒晨陰牆不照其景膚雲停夕幽草或漏其津

初學

記職官部  
秘書丞註

善行水者不能往冰善穿地者不能鑿凍善用鍼者亦

不能取四厥

黃帝素問靈樞經刺節真邪

譬如妙藥雖能療愈種種重病而不能治已死之人

海空

智藏經  
問病品

如金翼之鳥能食能消一切禽魚金銀等物唯除金剛

不能吞噉

元陽妙經卷一

若有人能將藕絲曳懸玉京山者可思議不

元陽妙經卷六

如人左手所作不便

波羅蜜多經卷三百五十一

譬如新淨種子善能藏積不為蟲食無有爛壞乾焦穿

穴或復有人選擇良田潤沃之處下此種子令一日中

牙莖枝葉扶疏蔭映華菓滋茂皆具足不不也

大寶積經卷五

五十

猶如外學五通仙人雖視胎中不能豫別男女之根

阿差



未菩薩  
經卷六

譬如剪棄鬚髮雖見烏光香澤寧可更植於身令重生

不

大乘顯識  
經推四

猶如力士以輕毛毬擲平戶扇彼為受不答曰不也所

以者何毛毬輕搏戶扇平立是故不受

中阿含經  
卷二十

譬如伏雞生子衆多不能隨時陰鶉消息冷暖而欲令

子以背以爪啄卵自生安隱出殼當知彼子無有自力

堪能方便以背以爪安隱出殼

雜阿含  
經卷十

如轉輪王所有象寶甚為高大持一多羅樹葉覆其身

體欲令不現可得爾耶

別譯雜阿含經卷十四

譬如大風能動海水以為波浪而不能動摩羅耶山

阿育

王經  
卷八

如大海岸水不能破

阿育王經卷八

如大山堰水水不能壞

禪法要解經卷下榮十

譬如暴河力能漂沒唯不能浮大石重山

無明羅刹經

誰於暴河乃欲截流誰入虎口欲數其齒

無明羅刹經

昔有一人頭上無毛冬則大寒夏則患熱兼為蚊蚋之所咬食晝夜受惱甚以為苦有一醫師多諸方術時彼禿人往至其所語其醫言唯願大師為我治之時彼醫師亦復頭禿即便脫帽示之而語之言我亦患之以為痛苦若令我治能得老者應先自治以除其患

百喻經卷上

如人學書時傍人寧能代其工不王言不能代其工如人犯法有罪寧可取無罪之人代不王言不可

那先比丘經表

上

王使宰人作羹羹中有水有肉有蔥蒜有薑有鹽豉有  
糯王勅厨下人言所作羹羹如前取羹中水味來次取  
肉味來次取蔥味來次取薑味來次取鹽豉味來次取  
糯味來羹以成人寧能一一取羹味與王不王言羹一

合以後不能一一別味也

那先比丘  
經卷中

車載鹽牛輓鹽車牛寧能別知鹽味不

那先比丘  
經卷中

譬如日出雖能照了一切天下然不能為盲者作明我  
亦如是雖復能為一切衆生說無上道然不能為無慧

目者而作利益

本緣經毗  
羅摩品

譬如夜行嶮道無人執燈必不得過

大智度論  
卷四十一

譬如大火常有燒力但以薪不近故不得燒近則能燒

大智度論

卷六十一

譬如猛風除雲能令日月出現而不能作日月也

大智  
度論

卷六

十四

譬如人以酥和毒毒勢則歇不能害人

大智度論  
卷六十八

譬如盲人蹈踐珍寶口言非珍寶竟不能令非珍寶

大智

度論卷

七十

譬如刀雖利不能破空

大智度論  
卷七十

譬如以飛言之鳥則勝人

大智度論  
七十八

譬如蠅無處不著唯不著火焰

大智度論  
卷九十四

如時雨能益草木不益虛空

大智度論  
卷九十五

如日出不能令高者下下者高但能照明萬物令有眼

者別識

大智度論  
卷九十五

父雖愛子不能以頭目與之

大智度論  
卷九十七

如大海水波其力雖大到須彌山邊則退而無用

大智度論

卷九  
十九

譬如一一石女不能有子一一盲人不能見色一一沙

不能出油多集亦不能

百論卷  
上守八

眼雖見相不自見眼如指端不能自觸

百論卷  
下守九

如人乘船隨水至大城井泉陂池水則不能得爾

十住  
毘婆

沙論卷

十一

如物或有近而不可知或遠而不可知或根壞故不可

知或心不住故不可知障故不可知同故不可知勝故  
不可知微細故不可知近而不可知者如眼中藥遠而  
不可知者如鳥飛虛空高翔遠逝根壞故不可知者如  
盲不見色聾不聞聲鼻塞不聞香口爽不知味身頑不  
知觸心狂不知實心不住故不可知者如心在色等則  
不知聲障故不可知者如地障大水壁障外物同故不  
可知者如黑上墨點勝故不可知者如有鐘鼓音不聞  
捎拂聲細微故不可知者如微塵等不現

十二門  
論守六



方寸之心謀已身而致謬圓分之眸隔牆壁而弗見

弘明

集十

四

河泊雖神不能溺陸地人飄風雖疾不能使湛水揚塵

弘明集年  
子理惑論

猶磁石取鐵不能移毫毛矣

弘明集年  
子理惑論

離婁察秋毫於百尋者資其妙目假日而覩耳今布毫  
於千步之外目力所匱無假以見而於察微避危無所  
少矣何為以千步所昧還疑百尋之毫乎

弘明集  
明佛論

如母乳嬰兒一經月無倦嬰兒喉若閉乳母欲何為

法苑

珠林卷

八十一

譬如有人欲於空地造立空室隨意無礙若於虛空終

不能成

維摩詰所說  
經佛國品

喻林卷二十二

欽定四庫全書

喻林卷二十三

明 徐元太 撰

人事門 二十一

逐勢

齊人有一妻一妾而處室者其良人出則必饜酒肉而後反其妻問所與飲食者則盡富貴也其妻告其妾曰良人出則必饜酒肉而後反問其與飲食者盡富貴也而未嘗有顯者來吾將牖良人之所之也蚤起施從良

卷二十三  
人之所之徧國中無與立談者卒之東郭墻間之祭者  
乞其餘不足又顧而之他此其為饜足之道也其妻歸  
告其妾曰良人者所仰望而終身也今若此與其妾訕  
其良人而相泣於中庭而良人未之知也施施從外來  
驕其妻妾由君子觀之則人之所以求富貴利達者其  
妻妾不羞也而不相泣者幾希矣

孟子離  
婁下

生者必有死物之必至也富貴多士貧賤寡友事之固  
然也君獨不見夫朝趨市者乎明旦側肩爭門而入日

暮之後過市朝者掉臂而不顧非好朝而惡暮所期物

忘其中

史記孟嘗君傳

河清不可俟人命不可延順風激靡草富貴者稱賢文

籍雖滿腹不如一囊錢伊優北堂上骯髒倚門邊

後漢書文

苑列傳

執家多所宜咳唾自成珠被褐懷金玉蘭蕙化為芻

後漢

書文苑

列傳

于時名勢赫奕若火猛風疾當塗之士莫不枝附葉連

魏志管  
輅傳註

握權則赴者鱗集失寵則散者瓦解求利則託刎頸之  
懼爭路則構刻骨之隙於是浮偽波騰曲辯雲沸寒暑  
殊聲朝夕異價驚蹇希奔放之跡鈐刀競一割之用

晉書

潘尼  
傳

東野丈人觀時以居隱耕汙腴之墟有冰氏之子者出  
自洹寒之谷過而問塗丈人曰子奚自曰自涸陰之鄉  
奚適曰欲適煌煌之堂丈人曰入煌煌之堂者必有赫

赫之光今子困於寒而欲求諸熱無得熱之方冰子瞿

然曰胡為其然也丈人曰融融者皆趣熱之士其得鑪

冶之門者惟挾炭之子

晉書王  
沉傳

舐痔兼車鳴鳶吞腐

晉書光  
逸傳

託身權賊憑勢假力擇棲芳林飛不待翼

晉書束  
皙傳

攀其鱗翼而其餘論附騏驥之髦端軼歸鴻於碣石

梁書

任昉  
傳

冀宵燭之末光邀潤物之微澤魚貫鳬踊颯沓鱗萃分

鴈鷺之稻梁沾玉笋之餘瀝

梁書任昉傳

若其寵鈞董石權壓梁竇雕刻百工鑪錘萬物吐漱興雲雨呼吸下霜露九域聳其風塵四海疊其燠灼靡不望影星奔藉響川鷺雞人始唱鶴蓋成陰高門旦開流

水接軫

梁書任昉傳

馳驚之俗澆薄之倫無不操權衡秉纖纊衡所以揣其輕重纊所以屬其鼻息若衡不能舉纊不能飛雖顏冉龍翰鳳雛曾史蘭薰雪白舒向金玉泉海卿雲黼黻江



漢視若遊塵遇同土梗莫肯費其半菽罕有落其一毛

若衡重鎚銖續微影撇雖共工之蒐慝驪兕之掩義南

荆之跋扈東陵之巨猾皆為匍匐委蛇折枝舐痔金膏

翠羽將其意脂韋便辟導其誠

梁書任昉傳

投烈風之門趣炎火之室

北齊書魏收傳

貴人之家雲行於塗轂擊於道

鹽鐵論刺權

以毀譽為蠶織以威福代稼穡

抱朴子外篇吳失

若夫操隋珠以彈雀舐瘡痔以屬車登朽緡以採巢泳

呂梁以求魚且為稱孤之客夕為孤鳥之餘棟橈餽覆  
傾溺不振蓋世人之所為載馳企及而達者之所為寒  
心而慘愴者也

抱朴子內  
篇暢玄

所論薦則蹇驢蒙龍駿之價所中傷則孝已受商臣之  
譏故小人之赴也若決積水於萬仞之高隄而放烈火  
乎雲夢之枯草焉欲望肅雍濟濟後生有式是猶炙冰  
使燥積灰令熾矣

抱朴子外  
篇刺驕

贅幣濃者瓦石成珪璋請託薄者龍駿棄林垌黨援多

者偕驚颺以凌雲交結狹者侶跋鼈以沉泳

抱朴子外篇安貧

至於顧眄增其倍價翦拂使其長鳴彩組雲臺者摩肩

趨走丹墀者疊跡

文選劉峻廣絕交論

凡希世苟合之士遽蔭戚施之人俛仰尊貴之顏逶迤

勢利之間意無是非讚之如流言無可否應之如響

文選

陸士衡辨亡論

勢之所集從之如歸市勢之所去棄之如脫遺

文選李康運命

論

夫官人有跖之惡結駟過市士以謂榮况實有益乎處  
子有顏閔之賢被褐造門人以謂辱况實有損乎故富

貴易為容貧賤難得通

意林潛夫論

萎葉愛榮條涸流好河廣

藝文類聚人部友悌詩

林中多疾風富貴多諛言

太平御覽天部九風

猶如春華敷時羣蜂盡至色香細味不知厭足及其飛

落羣蜂盡去

三十六部尊經仙人經

如風吹絕炎空中而去炎則依止於風

大智度論卷九十

昔有一比丘被擯懊惱悲嘆啼泣而行道逢一鬼此鬼犯法亦為毗沙門天王所擯時鬼問比丘言汝有何事啼泣而行比丘答言犯僧事衆僧所擯一切檀越供養失盡又惡名聲流布遠近是故愁嘆啼泣耳鬼語比丘言我能令汝滅惡名聲大得供養汝便可立我左肩上我當擔汝虛空中行人但見汝而不見我身汝若大得供養當先與我被鬼即時擔比丘於先被擯聚落上虛空中行時聚落人見皆驚恠謂其得道轉相謂言衆僧無

狀枉擯得道人時聚落人皆詣此寺訶責衆僧即送此  
比丘住於寺內遂大得供養此比丘隨所得衣食諸物  
輒先與鬼不違本要此鬼異日復擔此比丘遊行空中  
正值毗沙門天王官屬鬼見伺官甚大驚怖擲棄比丘  
絕力而走此比丘遂墮地而死身首碎爛此喻行者宜  
應自修所向無疑恃託豪勢一旦傾覆與彼無異也

衆經

撰釋譬  
喻經

勢然

人以牆防禁一家之非常今上有蒺藜之草不可掃而去之欲掃去之反傷牆而毀家以興國君以禮防制一國之非法今宮中有淫昏之行不可滅而除之欲除滅之反違禮而害國

毛詩正義  
牆有茨

執得容姦伯夷可疑苟曰無猜盜跖可信

後漢書  
馮緄傳

諺言貧不學儉卑不學恭非人性分也勢使然耳

魏志  
任城

陳蕭王  
傳評註

膏粱方丈沈疾弗顧瑤碧盈尺阡危弗存

宋書顧  
覲之傳

秋葉辭條不假風颯之力太陽躋景無俟螢燭之暉

南齊

書王

儉傳

百仞之臺不挺陵霜之木盈尺之泉時降夜光之寶故

理有大而垂權物有微而至道

南齊書  
劉祥傳

習數之功假物可尋探索之明循時則缺故班匠日往

繩墨之伎不衰大道常存機神之智永絕

南齊書  
劉祥傳

故仰遊雲以觀日月常動而雲不移乘船以涉水水去

而船不徙矣

隋書  
文上志



夫置器廣庭則函牛之鼎如釜堂崇十仞則八尺之人

猶短物有陵之非形異也

隋書天文志

與人同病相救同情相成同惡相助同好相趨

太公六韜武韜

縵密不能麓苴學者詘身

晏子春秋問上

質的張而矢射集林木茂而斧斤入非或召之也形勢

之所致

文子上德

子獨不見夫閉關乎立而倚之則婦人揭之仆而措之則不擇性而能舉其中若操其端則雖選士不能絕地

關尚一身而輕重異之者執使之然也

鵬冠子  
兵政

目能見物而不見堅則堅藏矣手能知物而不知白則

白藏矣

公孫龍子  
堅白論註

視不得其所堅而得其所白者無堅也拊不得其所白

而得其所堅者無白也

公孫龍子  
堅白論

勢不能為姦雖跖可信也勢得為姦雖伯夷可疑也

商子

畫策

夫物至則目不得不見言薄則耳不得不聞故物至則

變言至則論

商子  
禁便

資衰苴杖者不聽樂非耳不能聞也服使然也黼衣黻

裳者不如葷非口不能味也服使然也

資齊同  
荀子哀公

惠子曰羿執鞬持扞操弓關機越人爭為持的弱子扞  
弓慈母入室閉戶故曰可必則越人不疑羿不可必則

慈母逃弱子

韓非子  
說林

人無毛羽不衣則不犯寒上不屬天而下不著地以腸  
胃為根本不食則不能活是以不免於欲利之心欲利

之心不除其身之憂也

韓非子  
解老

夫山居而谷汲者腰臘而相遺以水澤居苦水者買庸而決竇故饑歲之春幼弟不饒穰歲之秋疏客必食非疏骨肉愛客過也多少之實異也

韓非子  
五蠹

登高而望臨深則窺人之性非窺且望也勢使然也

賈

新書  
審微

登高使人欲望臨深使人欲窺處使然也射者使人端

釣者使人恭事使然也

淮南子  
說山訓

泰山之容巍巍然高去之千里不見埴堞遠之故也秋毫之末淪於不測是故小不可以為內者大不可以為

外矣

淮南子  
說山訓

臂者見虎而不走非勇勢不便也

淮南子  
說林訓

聾者不譌無以自樂盲者不觀無以接物

淮南子  
說林訓

酤酒而酸買肉而臭然酤酒買肉不離屠沽之家故求

物必於近之者

淮南子  
說林訓

戰兵死之鬼憎神巫盜賊之醜吠狗

淮南子  
說林訓

設鼠者機動釣魚者泛杭任動者車鳴也

淮南子  
說林訓

高阜所在陰氣不淋

焦氏易林  
剝之夬

獨宿憎夜嫫母畏晝

焦氏易林  
渙之蠱

夫近水則寒近火則溫遠之纔微何則氣之所加遠近

有差也

王充論衡  
寒溫篇

人坐樓臺之上察地之螻蟻尚不見其體安能聞其聲

何也螻蟻之體細不若人形大聲音孔氣不能達也

王充

論衡變

虛篇

千里不同風百里不共雷

王充論衡  
雷虛篇

漁者不死於山獵者不溺於淵

王充論衡  
遭虎篇

從門應庭聽堂室之言什而失九如升堂闕室百不失

一

王充論衡  
佚文篇

日刻徑重千里人不謂之廣者遠也望夜甚雨月光不

暗人不睹曜者隱也

王充論衡  
佚文篇

夫高下相受不可逆之流也小大相羣不得已之勢也

郭子註莊  
大宗師

不行則易欲行而不踐地不可能也無為則易欲為而不傷性不可得也

郭子註莊  
人間世

鏡形如盃以照西施鏡縱則面長鏡橫則面廣非西施

貌易所照變也

劉子  
正賞

登峭嶺者則欲望遠臨峻谷者必欲窺墟墟墓之間使情哀清廟之中使心敬此處無心而情偽之發者地勢

使之然也

劉子  
激通

益風從于雷趾受

平表加  
承也

于髀

補爾  
切

傳曰風從于雷獲



其所也趾受于髀得其宜也

元包  
並陰

水中視魚必先見水先中視物必先見先

莊子音  
義天下

言水之激疾則去盡不能浸潤矢之激發則去遠

前漢  
書註

賈誼  
傳

門戶孔空風善從之

李善註文  
選風賦

垣草易雕階露易隕

李善註文選  
何敬祖雜詩

清源不能行運吞舟之魚以喻塵俗不足容乎仙者

李善

註文選郭景  
純遊仙詩

蓋如飛鶴馬似遊魚

李善註文選劉孝標廣絕交論

登高使人意遐臨深使人意清

文選張景陽雜詩註

近河之地濕近山之木長山出雲而邱阜生氣四瀆東

流而百川無西

意林陸賈新書

經漸車之水歷繞輪之沙趾跡高下不可論

意林士緯

釣者之恭非為魚也餌鼠以肉非愛之也

藝文類聚產葉部釣

堯遭洪水而貴陸湯遭大旱而重水

太平御覽地部陸

取狼皮以當空戶則羊畏不敢出矣

太平御覽獸部狼

鬻棺者欲民之死蓄穀者欲民之饑船漏水入囊洞內

虛也

太平御覽  
百穀部穀

猛虎不處卑勢鷲鳥不立垂枝也

太平御覽  
獸部虎上

枯桑葉易落疲客心易驚

初學記歲  
時部秋

空桑穢飲醞以稷麥以成醇醪酒之始也烏梅女麴

胡板

反甜醺九投澄清百品酒之終也

初學記服  
食部酒

響應聲還誠如妙說若深山邃谷林障重疊如此之處

發一小聲響還極大若小屋小器如此之處發一大聲

響還猶小以何因緣聲俱不異而應有差又如空地雖

發音聲而無響應云何此處徒發巨聲了無應者

海空智藏

經序品

譬如陶師埏埴瓦器若大若小終歸破壞

大寶積經四十二

猶如乾地灑水之時即便易燥

大寶積經卷五十六

猶如潤地水灑之時即便難燥

大寶積經卷五十六

如轉輪王入城邑時一切悉知如薄德之人入城邑時

乃至親厚猶不覺知

大方等大集經十八

譬如鐵丸雖擲空中終不暫住速疾投地

大方廣十輪經卷三

如是五大和合成身如世倉篋終歸敗散

大方廣佛華嚴經卷十一

譬如迦葉天無雲者雨不可得

摩訶衍寶嚴經推七

譬如天上天下共治一水精會不能得摩尼珠也

佛遺日摩

尼寶經推六

譬如有人上向瞻空其目所覩不能別知何所是空何

所非空

阿差末菩薩經卷一

譬如有人見其父母多有財產珍寶豐盈便於財物不

生希有難遭之想

金光明最勝王經卷一

譬如日出霧露皆盡

大乘造像功德經卷上悲九

如或有人手執強弓於樹林中向上射葉其箭徹往曾

無所礙

大乘造像功德經卷下

譬如兩手和合能出音聲為從左手生為從右手生若從左手生常應有聲右手亦然何以故二手常有故一

手無聲合故有聲

文殊師利問經卷下

如闇射人或中不中

菩薩善戒經卷八

復如寒霜日曜即消

蘇婆呼童子經卷下

猶如力士以大重石擲淖泥中泥為受不答曰受也所

以者何泥淖石重是故必受

中阿含經卷二十

譬如雞毛并筋入火便縮皺不得伸

長阿含十報法經卷上

亦如酥餅在水中壞是時瓦石便沉在下酥便浮在上

增壹阿含經

卷三十五

譬如脂膏之汁著大火中即無烟矣

樓炭經災變品

譬如羣宿鳥夜聚旦隨飛

佛說無常經當九

天下人心如流水中有草木各自流去不相顧望前者亦不顧後後者亦不顧前草木流行各自如故

佛說阿含正行

經敬六

猶如旱時諸草木等必令焦滅猶如春時酥置日下自

然融消

佛本行集經卷二十八

如擊空餅易為破壞

尼拘陀梵志經上

譬如以土為佛若敬禮者但作佛想不作土想

阿育王經卷八

譬如果物未熟不強熟也已熟亦無所復待

那先比丘經卷上



那先問王言前車行有轍後車行當從何所行王言後車當從前車轍中行那先言前車輪寧語後輪言汝當隨我處從後來後輪車寧語前輪我當隨汝處行寧相語言爾不王言俱不相語也

那先比丘經卷中

那先言譬如大城都有一門其中有一人欲出當從何向王言當從門出耳那先言後復有一人欲出當復從何向出王言故當從前一人門出耳那先言王前出人寧語後人言汝當隨我後出後人寧語前人言我當隨

卿所從門出兩人寧相語言爾不王言前人後人俱不

相語也

那先比丘經卷中

如數疾輪無有端緒

出曜經六念品

譬如陶家埏埴作器一切要壞人命亦然

法句經無常品

譬如有人多諸子息愛無偏黨然於病者心則偏重

本緣

經鹿品

如四衢道頭華果之樹常為多人之所抖擻

本緣經毗羅摩品

譬如殺賊拔刀注箭常求殺人無憐愍心

三昧法門經卷上

譬如少薪無燄火不得風吹便自滅

三昧法門  
經卷下

譬如大火大風吹大水來澆無不滅

三昧法門  
經卷下

如惡風摧折大樹若無樹者則無所壞

禪法要解  
經卷下  
榮十

譬如入稠林採木直者易出曲者難出

禪法要解  
經卷下  
榮十

譬如人被鎖初脫時行猶不便

大智度  
論卷二

譬如須彌山凡人口吹不能令動

大智度  
論卷五

如小兒仰視青天謂有實色有人飛上極遠而無所見

以遠視故謂為青色

大智度  
論卷六

譬如覆鉢水不得入

大智度論  
卷十三

又如麀鹿為虎搏逐追之不捨雖得好草美水飲食心

無染著

大智度論  
卷十四

譬如樹常東向曲若有所斫者必當東倒

大智度論  
卷十八

如一斗蜜投之大河則失氣味

大智度論  
卷十九

譬如羊近於虎雖得好草美水而不能肥

大智度論  
卷十九

譬如父母雖常愛子若得病急是時愛心轉重

大智度論  
卷二

十

譬如城有三門一人身不得一時從三門入若入則從

一門

大智度論  
卷二十

譬如大河水中著少毒不能令水異

大智度論  
卷二十三

譬如鐵器中空故在水能浮中實則沒

大智度論  
卷二十七

譬如上山既得到頂則不畏墮未到之間傾危畏墮

大智

度論卷

四十一

譬如小草加功易除大樹功重難除

大智度論  
卷四十二

又如雨墮不住山頂必歸下處

大智度論  
卷四十九

如人著袈常有不吉

大智度論  
卷五十四

譬如射地無不著時若射餘物或著或不著

大智度論  
卷六十一

譬如新擘乾毳隨風東西濕毳縹緲則不可動

大智度論  
卷六

六十

譬如山上投縷九縷盡自止

大智度論  
卷七十

譬如車分壞故車相亦滅又如輪分壞故輪相亦滅

大智

度論卷  
八十六

譬如雲霧遠視則見近之則無所見

大智度論  
卷八十八

如草木有生故必可焚燒若當不生雖有猛火大風無

所燒害

大智度論  
卷九十

以杖置日中豎卧俱無影執杖倚亞者其影則修長

大莊

嚴經論  
卷二偈

譬如鎔真金注水則發聲

大莊嚴經  
論卷四偈

譬如鑽火燭為前相

攝大乘論  
釋卷六

譬如痼人求覓諸塵不能說塵

攝大乘論  
釋卷十二

如鎔鐵鋌其鋌一頭先與火合餘頭雖復不與火合由

體一故亦漸鎔銷

廣百論  
卷三

譬如火不至不能燒刀不至不能斫

如實論  
華二

譬如菴羅子生芽之時必破其皮然後得出

佛性論  
卷四

譬如岸崩不更還本

十八空  
論守七

如疊與著為因如席與障為因如車與載為因

十二門  
論守六

若有長必有短有高必有下有空必有實

百論卷  
下守九

譬如炎熾琉璃蚊蚋等蟲樂昇其上而不能住如人履

放熱地以熱觸故不能停足

法勝阿毗曇  
心論卷三



然體無毛羽不可袒而無衣腹非匏瓜不可繫而不食

弘明集  
釋駁論

所謂重病加於毒藥宜令剗腹洗腸深罪約以嚴刑必

須誅宗滅嗣

辯正論  
卷六

小方易擬大器難像

高僧傳四淮  
陽支孝龍讚

勢盛

火田為燎燎之方盛之時炎熾燦怒寧有能滅息之者

鄭氏箋  
詩正月

長轂雷野高鋒慧雲

後漢書光武帝紀

身當隆極族漸河潤視景爭暉方山並峻

後漢書曹皇后紀

舉動回山海呼吸變霜露

後漢書宦者列傳

指撝足以振風雲叱咤可以興雷電

後漢書皇甫嵩列傳

曹子丹汝非徒機上肉吳質吞爾不搖喉咀爾不搖牙

何敢恃勢驕邪

魏志王粲傳註

勝氣籠霄飛談卷霧並蘭芬菊耀無絕於終古矣

晉書王湛

傳列

迴山壓卵未足為譬

晉書河無忌傳

今以蕩西域之威擁歸師之銳鋒若猛火之盛於原弗

可敵也

晉書符丕記

鼓怒則冰原激電奮發則霜野奔雷

宋書沈攸之傳

樓艦騰川則滄江霧咽銳甲赴野則林薄摧根

宋書二凶元凶

傳

原火一燎異物同灰

宋書二凶元凶劬傳

是由涸澤而漁焚林而狩若浚風之儻輕擇杲日之拂

浮霜

宋書袁淑傳

此即恒山不足指而傾渤海不足飲而竭

南齊書顧歡傳

此蓋捧海澆熒烈火消凍耳

南齊書陳顯達傳

朱旗夕建如赤城之霞起戈船夜動若滄海之奔流

梁書

元帝紀

捧崑崙而壓卵傾渤海而灌熒如駟馬之載鴻毛若奔

牛之觸魯縞

梁書元帝紀

孟諸焚燎芝艾俱盡宣房河決玉石同沈

梁書元帝紀

勢傾河以覆岱威回天而震宇

梁書張紇弟續傳

握金鏡以照耀擊玉鼓以鏗鏘神武之所牢籠威風之

所轡轡莫不雲徹霧卷瓦解冰消

魏書出帝紀

譬猶太陽之消微露巨海之蕩熒燭

魏書李平傳

金鼓振讐若火焚毛鋒刃縱橫如湯沃雪

隋書楊三子越王侗傳

忤意者嚴霜夏零阿旨者膏雨冬澍榮枯由其脣吻廢

興候其指麾

隋書梁毗傳

咳唾足以活枯鱗吹噓可用飛窮羽芬椒蘭之氣暖布

帛之詞

隋書王孝  
籍儒林傳

顧眄則山岳傾頽叱咤則風雲騰鬱腹心攸同爪牙斯

在

北史隋  
本紀下

名聲足以暴炙之威彊足以捶笞之拱揖指麾而強暴  
之國莫不趨使譬之是猶烏獲與焦僥搏也

荀子  
富國

應侯謂秦王曰王得宛葉藍田陽夏斷河內困梁鄭所  
以未王者趙未服也弛上黨在一而已以臨東陽則邯  
鄲口中蠱也王拱而朝天下後者以兵中之

韓非子內  
儲說上

鴻聲大視高舉神化

焦氏易林田之離

當此之時雖下愚之才居之猶能使恩同天地威侔鬼神暴風疾霆不足以方其怒陽春時雨不足以喻其澤周孔數千無所復角其聖責育百萬無所復奮其勇矣

昌言理亂篇

雍門周說孟嘗君曰以強秦之勢伐弱韓譬猶礪蕭斧

以伐朝菌也

李善註文選魏都賦

車服則先可以鑒豐屋則羣鳥爰止叱吒疾於雷霆禍

福速於鬼神

抱朴子外篇吳失

汨若湯谷之揚濤沛若濛汜之涌波

文選蜀都賦

擁之者龍騰據之者虎視麾城若振槁塞旗若顧指

文選

吳都賦

渙若天星之羅浩若濤水之波

文選羽獵賦

建衆檣以成林兮譬無山之樹藝

廣文選王仲宣浮淮賦

大晉應期一舉席卷猶震霆摧枯千鈞壓卵無餘類矣

意林唐子



何異一毛之落牛體雙鳧之飛海濱

藝文類聚雜文部徵文

譬猶翻東海以注螢燭倒崑崙以壓螻蟻其身縻爛豈

假多力

藝文類聚雜文部徵文

按劍而叱江水為之倒流抽戈而揮皎日為之還舍

藝文

類聚雜文

部徵文

何慮而不成何征而不尅雖拔泰山填滄海可也

藝文類聚

武部戰伐論

若溟海之引回流岱靈之吐行雲

藝文類聚武部戰伐論

轉轉隱隱若轉石之墜高崖硤硤磴磴如激水之投深

谷

藝文類聚內  
典部寺碑

按驪龍取其頷下之珠搗鯨魚拔其眼中之寶

藝文類  
聚寶部

機壁

皇恩所被繁枯潤涸威之所加窮河絕漠

藝文類聚  
寶部壁檄

欲抑則大鵬垂翅欲抗則尺鷃冲天

文苑英華梁昭明  
太子問答一雜文

鳥遊曠澤之地而比翮者萬羣虎居繁林之藪而接毫

者千數

太平御覽  
地部林

人君其尊重矣音聲振於金玉咳唾甘於醴泉

太平御覽人事

唾部

若太陽之泮積雪似夜炬之朗重昏窈靄消亡層冰解

散

玉清經通濟幽冥品

又如火大悉能枯竭諸濕物類

波羅蜜多經卷五百六十七

猶如猛獸師子遙見人來有恐怖心乎終無此事

增壹阿含

經卷三十

猶如融銅若有人以二十滴水著彼融銅中彼水滴速

疾滅

思念如來  
經緣七

猶如師子獸王出於山谷而觀四方復三鳴吼方行而求諸有獸蟲之類各奔所趣莫知所如飛逝沉伏若復有力神象聞師子聲各奔所趣不能自安所以然者由

師子獸王極有威神

須摩提女  
經緣四

是師子吼諸小師子尚皆怖畏況餘鳥獸

華手經  
卷九

如師子王處深谷中隨所住處諸小蟲獸不能得近以

不堪受其氣響故若有近者聞其氣響即皆避地

華手  
經卷

九

如火燒薪盛能然濕

三昧法門  
經卷下

譬如多薪熾大火大風來吹不肯滅

三昧法門  
經卷下

如金翅鳥投龍宮中搏掇諸龍而食噉之亦如師子在

獐鹿羣威猛

本緣經毗  
羅摩品

譬如惡龍放電殺穀如金剛杵摧破大山如阿脩羅王

遮捉日月猶如暴雨漂沒村落猛盛大火焚燒乾草

本緣

經月光  
王品

譬如熱鐵丸著少綿上雖燒此綿而火熱勢不減

大智度論

卷二

十四

譬如大龍尾在大海頭在虛空震電雷霆而降大雨

大智

度論卷

二十七

譬如白香象王在獵園中雖被箭射顧視獵者心無所

畏

大智度論  
三十一

如五色近須彌山自失其色皆同金色

大智度論  
卷三十五

譬如衆獸戲時若見師子率皆怖懾師子戲時自在無

所畏難

大智度論  
卷四十七

譬如大熱鐵丸以著臂起毳上直燒下過勢熱無損但

更無可燒者

大智度論  
卷五十五

如人壯年力盛腹中火熱雖食不適飲食不能生病又

如有好藥雖被惡毒不能為害

大智度論  
卷九十六

猶如大海風鼓濤波出大音聲

大莊嚴經  
論卷七

勢均

一栖不兩雄

後漢書董  
卓傳註

德均則衆者勝寡力侔則安者制危

吳志陸遜  
子抗傳

日月不竝出狐不二雄神龍不匹猛獸不羣鷙鳥不雙

淮南子

說林訓

兩高不可重兩大不可容兩勢不可同兩貴不可雙

說苑

談叢

兩矛相刺勇力鈞敵

焦氏易林  
需之同人

兩火爭明雖鬪不傷

焦氏易林  
比之賁

虎狼竝處不可以事

焦氏易林  
復之謙



兩智不能相使兩貴不能相臨兩辨不能相屈力均勢

敵故也


意林尹  
文子

智均不相使力均不相勝

意林  
申子

兩貴不相事兩賤不相使

意林



欽定四庫全書

卷二十三

喻林卷二十三